

Arrpa' anaret ällöhuén allpon derechos ñeñt ë'ñe po'ñoch yocop ñeñtcha' atet `yepä'yena allohueney acheñeneshay ama't errapären arr patsro

Ahuat añ fecha 10 de diciembre 1948 ñeñt Asamblea General de las Naciones Unidas, ñetpa' quellquët ora allpon derechos ñeñt ë'ñe po'ñoch yocop allohuénacpay acheñeneshay ama't errapären arr patsro. Allochñapa' orrtachet añ ñoñets ñeñt ätet äñaret ðerechos; ñeñtpa' ñeñtära orrtetsa arr añ papllo. Allempo o' orrtachet añ papell ñapa' otyesan ora allohuén anetsocño ñeñt örrtatene Naciones Unidas, törrretepa' attöch epa'hua añ ñoñets errapären arr patsro. Örrtachetepa' erracmañen allcha' lleya'yeset ora allpon pa'namen acheñenesha' arr patsro. Namä yechiatyesetepa' añ derechos ora allpon escuelacño ñamä ora allohuén anetsocño ama't errotëneta po'gobiernoret.

Ñeñt `ñanom

Yapa' yeñoteñ ñerra'm yemneñ o'ch yeychena e'ñe cohuen añe patsro, ama yemneñe o'ch eñälleta ñeñtcha' yepatare'tene' ñeñt `yoctën ya; ñamía ñeñt cha' ya'mcha'nochtana'tenaya ama yemneñe o'ch orrta.

Ñerra'm yemneñ o'ch e'ñe pocte' es yepänna'ta ñamä ñerra'm yemneñ o'ch e'ñe cohuen mueche'tt yeychena añe patsro, añ poctetsa o'ch yeñotua. Attö ye'ñalletyesa arr patsro e'ñe attécma cohuen yesherbä'yen allohueney ñeñtëy yechä'yetsa añe patsro, amach eñälle ñeñt `atsenatpo' entenet.

Ñamä allohuénacpay ñeñtëy arromñatëy e'ñe attécma eñall ñeñt `otenet derechos ñeñtcha' e'ñe cohuen yocshatene' añe patsro. Ñeñtpa' ama't eseshapa' amach puerratamþerryeto ama't errponañ. Tarraña yeñoteñ ahuatötëñ ñerra'm esempo acheñenesha'pa' ama esoye eñchete'të añ derechos, ñetpa' errotüanen pä'yesete'tt'po'potantañ ñeñt'tsena'tenet. Ñeñtpa' yeñoteñ yeyochiro ama apäpahuoyaye. Namä yeñoteñ añ atarr cohuen allohuénacpay ñerra'm chap allempo allohueney e'ñe cohueno'tsa'yeney arr patsro. Tärro'mar ñerra'm atet`yocsha'yena arr patsro amach es ya'mcha' - nochtana'tenaye, amach eñälle ñeñt cha' yemueröchtatene'. Ama't allempo es yeños po'poñ ñeñt cohuen yenten ya, amach eñälle ñeñt cha' yote' eso'martë' peñen po'poñ cotäpñats. Ñerra'm yapa' yame'ñeña po'poñ ñeñt cohuen yenten ya amach eñälle ñeñtcha' yepatare'tene'.

Ñeñt ö'mar yeñoteñ e'ñe pocte' o'ch yene' ñoñets attöch yeñotatanna'tyena ora allpon añ derechos attöch allohueney e'ñech cohuen yentannena allochñapa' amach eñälle acheñ ñeñt `amueröchtatarettetsa. Allochñapa' amach orrtateneto atpäñats ñeñt `atet`amueröchtatarettenet.

Ñamä yeñoteñ e'ñe pocte' e'ñech cohuen yamo'tstannena po'poñ acheñenesha' ñeñt yechä'yetsa po'poñ anetso'mar arr patsro.

Ñamä yeñoteñ allohuén allpon pa'namen anetso'marnesha' ñeñt örrtatene ñeñt `otenet Naciones Unidas, ñetpa' ñeñtä e'ñe cohuen entenet ñet. Ñeñtö'mar ñet nenet ñoñets all quellco attö allohueney arromñatëy ñeñtëy eñalletyetsa arr patsro e'ñech attécma cohuen yesherbä'yen ñamä allohuénacpay attécma eñall ñeñt`otenet derechos attöch e'ñe cohuen yocsha'yena arr patsro allohueney ama t coyaneshohuen. Ñeñt ö'mar ñetpa' añ e'nenet o'ch orrtatenet ñeñt `cohuen sherbets allohuénacpay acheñeneshay arr patsro. Allochñapa' attöch allo'na yesen yenpanna'tnomtsa attöch yocsha'yena e'ñe cohuen arr patsro o'ch yechyen ñeñt`yepallta'yena ñamä amach eñälle ñeñt `amcha' 'nochtana 'tenaye, e'ñech cohueno 'tsa 'yeney.

Ñamä yeñoteñ allohuén pa'namen anetso' marnesha' ñeñt `orrtatene' Naciones Unidas ñetpa' net po'ñoñ attöch törra'yeset attöch ame'ñachet allohuén acheñenesha' ñeñt ërrapäro'tsa'yenet añ patsro, allochñapa' attöch e'ñech cohuen entuenet añ derechos ñamet; ñeñtpa' allohuénacpuet e'ñech cohueno'tsa'yenet.

Ñamä yeñoteñ ñerra'm po'ñoch e'ñech cohuen yetsotuer e'ñe atet yene' yeñoñ añ poctetsa o'ch yeñotatanna'ta añ derechos ñeñt `allohuénacpay allochñapa' e'ñech cohueno'tsa 'yeney.

Ñeñtö'mar të'pa'

ASAMBLEA GENERAL ñeñtära Naciones Unidas arrpa' orrtatenet

ORA ALLPON DERECHOS NENT ALLOHUENACPAY NENTHEY PA'NAMENEY ACHENENESHAY. Allochñapa' attöch allohuén chöcmach yeyerpa'yena allohuén derechos ñeñt `aquellcarettetsa arr. Namä chöcma yeychach po'potantañ attöch ñetpa'chö'ña e'ñech cohuen amcha'na'tpo' entuenet ñamet añ derechos. Allochñapa' attöch ama't erracmañen arr patsro eñotuercha' añ derechos ñamä po'ñoch atetcha' cohuen yemorrentanna'tuerra. Ñeñtpa' attëpa'ch perra arr yepatsño ama't ñamä ora errapären po'potantañ anetso'mar arr patsro. Attëpa'ch perra allohuén anetso'marnesha' ñeñt örrtatene' Naciones Unidas ama't ñamä po'potantañ ñeñt`yenpuenet ñet. Allpon derechos ñeñt yechyen attöch e'ñech cohuen yeychä'yena arr patsro ñeñtpa' añechño:

Cotäpñats 1.

Allohueney ñeñtëy arromñatëy attö ye'ñalletyesa arr patsro e'ñe attécma cohuen yesherbä'yen. Namä yechyen allpon derechos attöch e'ñech cohueno'tsa'yeney arr patsro. Namä allohuén attécma yechyen alloch yoctäpe' chyen cohuen ñamä yeñotyen yeyochiro ñeñt ë'ne pocte' enten acheñenesha' ñamä ñeñt äma pocteye' enteneto. Yeñoteñ añ poctetsa e'ñe yemo'nasheñ yepännena ama't ora allohuén allpon acheñenesha' ñeñt añe patsro'tsa'yeney.

Cotäpñats 2.

Ora allohuén allpon acheñenesha' ñeñt `añe patsro'tsa'yen, attécma echyenet añ derechos attöch e'ñe cohuen yechä'yenet arr patsro. Allohuenet attécma echyenet añ derechos ama't erra'tsentë' po'mřeñtsoret penet, ñamä ama't errotëna orrtenet, ama't quelluareret ama't ñamä ñeñt `huallama'täreret, ama't coyaneshohuenet attécma echenet añ derechos. Namä ama't erra'tsentë' ñeñt `po'yomporer penet ñamä ama't erra'tsen cotäpe'chyenet ñeñt `cohuen entyenet po' gobiernocop ama't po'poñ poctäpñar e'ñe attécma echenet añ derechos ñeñt `allohuénacpay ñeñtëy arromñatëy arr patsro.

Ama't ñeñt `huocchañetets arr patsro, ñeñt `ama es echyetso arr patsro ñeñt `ama esoye' enteneto, ñetpa'chö'ña e'ñe attécma echenet añ derechos ñeñt `allohuénacpay ñeñt ëy arromñatëy. Namä attécma echenet añ derechos ama't erra'tsena anets all yechä'yenet ñamä ama't errotën po'gobierno echenet all pa'netsro. Ama't po'gobierno amcha'nochtana'tanetañ amapa' e'ñe cohueno'tsa 'yenet e'ñe attécma echenet añ derechos ñeñt `allohuénacpay ñeñtëy arromñatëy arr patsro.

Cotäpñats 3.

Allohueney yechen derecho o'ch yocrrena arr patsro amach eñälle ñeñtcha' amícha'nochtana'tenaya. Elloña eñall ñeñtcha' yemoñenaya.

Cotäpñats 4.

Ama't puesheñarraya acheñey amach ataruasataretëye e'ñe attä. Amuepa'ch pomueñeto acheñ ñeñtcha' taruasatenet e'ñe attä, ama't errotëna.

Cotäpñats 5.

Ama't puesheñarra amuepa'ch amueröchtatarettëno ene attä, amach atserrpärettëneto atet`ñerra 'mrratë' berr atserrpenet.

Cotäpñats 6.

Ora allpon leyes ñeñt `anaretë'tyetsa allohuén acheñeneshacop ñeñtpa' ñeñtcha' a'poctatyenahuet ama't puesheña'ttset ñerra'm esempo echyenet problema.

Cotäpñats 7.

Amach eñälle acheñ ñeñtëcop ama sherbeno añ leyes ñeñt `atet `anaret: Attëcmach yenpuenana ama't allohuén acheñenesha', amach eñälle acheñ ñeñt`ama amorrentaretëyaye. Namä añ derechos ñeñt `aquellcaret`arr, ñeñtpa'chö'ña attëcmach allohuénacop ñeñtcha' moñenaya ama 't erra'tsena acheñer ñerra'm esempo eñall ñeñtcha' puerratamþsahuetañ añ derechos.

Cotäpñats 8.

Ñamä ñerra'm esempo esesha'pa' mueneneñ o'ch puerratamþsan acheñenesha' añ derechos ñetpa' e'ñe pocte o'ch e'nenet autoridades ñeñtcha' a'poctaterrahuet ñeñt `atet äñaret þo'leyes ñamä po'constitución.

Cotäpñats 9.

Amuepa'ch arrmataretfino acheñ e'ñe attä. Amuepa'ch yottampesyeneto acheñ e'ñe attä. Amuepa'ch mueño ' teneto acheñ bâchayo allcha' muerochfena.

Cotäpñats 10.

Ñamä allohuen acheñenesha' ama't esesha' ñerra'm esempo otteñe'charettfena ñapa' echenancha' derecho o'ch a'pochtater ñoñets e'ñe cohuen juezesho. Juezpa' e'ñech cohuen o'ch eñoch ñerra'm po'ñoch attet ö' pöhua. Amach e'ñe attä atserrpeñeto. Namä ñeñt ötteñe'charettetsa juezpa' o'ch eñotach ñeñt 'derechos echen ñamä ñeñt 'po'deberes. Amach es a'nahua o'pateñeto ama't puesheñarra acheñ.

Cotäpñats 11.

Ñamä ama't esesha' ñeñt 'otteñe'charettetsa allo'tsen autoridades, amuepa'ch ahuen otatsteto autoridades añ acheñ po'ñoch attet ö' pöhua. Añcha' ñanom e'mñochetepa' ñeñtcha' yenpuene' ñeñt 'otteñe'charettetsa. E'ñech cohuen acopä eñochet po'ñochtë' attet'ö' pöhua. Ñeñtpa' attetcha' penet allo'tsa'yen shonte' acheñenesha', amuepa'ch a'nahua o'pateñeto.

Ñamä añecpuepa'ch coñchachet acheñ ñeñt 'atpare'tene' ñoñets ñeñt 'attet'anaret'e'ñe allempo. Namä ñeñt 'attet'anaret'ñeñtcha' attet' coñchachet acheñ ñerra'm atpare'chet añ ñoñets ñeñt 'attet'anaret'ñeñtäch coñchachet allempo. Amuepa'chña añe'na coñchateñeto acheñ ñeñt 'ahuatötëñ attet'petsa allempo ama eñalle ley ñeñt 'otets attetcha' sepä. Namä añach coñchatenet ñeñt 'atpare'tene ley e'ñe attet'anaret'. Amachña añe'na coñchateneto aton ñeñt 'ama attëye' anaretfena allempo atpare'tena.

Cotäpñats 12.

Ñamä ñeñt 'e'ñe yocpa attet'ñerra'm yepaquell ñamia yamo'tsesha' ñeñt 'parro yeychena ñamä allohuen ñeñt 'yechen ñeñtpa' e'ñe yocpa. Po'potantaña ama pocteyaye o'ch be'töset attöch o'patapretenyet ñeñt 'e'ñe yo. Namä amach asasaretpahuoyayye, ñamä amach asochatse'tpahuoyayye. Namä allohuen ñeñt'asasarettetsa e'ñe attä ñamä ñeñt 'asochatse'tarettetsa e'ñe attä, ñetpa' echenet derecho o'ch moñenanet añ ley ñeñt 'attet'anaret'.

Cotäpñats 13.

Ñamä allohuen acheñenesha' echenet derecho o'ch chope'chyeset ama't erra sechyenet allohuanen puen Estado alí yechenet.

Ñamä echenet derecho ñerra'm monenet o'ch salerret ama't erra'tsena Estadot äma't ñerra'm muenenet o'ch salerret ama't ñet pue'stadotpa e'ñe pocte'. Namä echenet derecho o'ch chäcierret pue'stado ñerra'm esempo monenet.

Cotäpñats 14.

Ñamä ñerra'm esempo amuerochitataretfa ama't puesheñarra e'ñe attä poctäpño'maret ñetpa' echenet derecho o'ch yeterret, ahuerret po'poñ anetso allcha' agaparettferret e'ñe cohuen.

Tärraña ñerra'm acoñchataretfet tärro'mar o' muetset acheñ amapa' atpare'tet po'poñ leyes amapa' añ derechos ñeñt 'nen Naciones Unidas ñerra'm ñeñtëcop acoñchataretfet amach agaparetteto po'poñ anetso.

Cotäpñats 15.

Ñama allohuen acheñenesha' echenet derecho ñeñtcha' pa 'netser penet.

Ñamä amach errotënot ßuerratampßeto acheñ po'derecho attö pa'netser penet. Tärraña ñerra'm esesha' mone' o'ch yechä'huerret po'poñ anetsro ñeñtcha'pa'netser perr allempotëñ ñeñtpa' e'ñe pocte' ñeñtpa' po 'derecho.

Cotäpñats 16.

Ñamä allohuen acheñ ñeñt 'po'nare' ñerra'm muenen o'ch sena'ta ñamä coyanesha' ñerra'm muenen o'ch some'ta, ñeñtpa' e'ñe pocte' ñeñtpa' po'derecho. Pocte' o'ch yoranna'tet attöch chemere'tet. Ama't esesha' muenats e'ñe pocte ama't erra'tsentë' po'mrëñtsoret penet, ama't erra'tsentë' ñeñt 'pa 'netser penet, ama't erra'tsentë' po'yomporer penet. Namä coyanesha' attëcma echenan derechos ñeñt 'echen yacmanesha' ñerra'm esempo o'ch some'ta. Nama allponmat yoranna'tet coyanesha'pa' ñeñtëcma derechos echen ñamä ñerra'm sannerretpa' coyanesha'pa' attëcma echenan derechos.

Tarraña ñerra'm esesha' ama muenenaye o'ch yoran po'psheñëñ ñeñtcha' puerrollar pä' amapa yacma ama mueno ñeñtcha' puetäpor pä', pamo'mte'pa' amach errotënot äpano po'psheñëñ yacma e'ñe ña po'huamencot ñerra'm coyanesha' ama mueneñe.

Ñamä ñeñt 'yechetsa parro pa'pacillo ñeñt 'pamo'tsna'tar pännena ñeñtpa' e'ñe pocte' attet'yeychen arr patsro. Ñeñtö'mar ñeñtpa' gobiernocop o'ch cohuampënan allohuen familias ñeñt 'parro yechä'yenet.

Cotäpñats 17.

Ñamä allohuen acheñenesha' echenet derecho o'patetepa' ñeñt 'e'ñe ñocmuet, attet ñerra'm pa'paquell, po'patseñ, payara. Namä e'ñe pocte' o'ch o'patapreacha po'potantañ ñeñt 'parrocma taruasa'yenet.

Ñamä ama aprratampëspahuoyaye e'ñe attä ñeñt 'yo'patena ya attet'ñerra'm yepaquell, yepatseñ, yayara.

Cotäpñats 18.

Ñamä allohuen acheñenesha' ama't erra'tsena acheñer echenet derecho o'ch cotäpe'chyenet ñeñt 'e'ñe cohuen entenet ñet pueyochireto. Namä allohuen acheñpa' echenet derecho o'ch po'yomporer peñet ñeñt 'e'ñe cohuen entenet ñet. Namä ñerra'm esempo muenenet o'ch po'poñet po'yompor-ret, ñeñtpa'chio'ña e'ñe ñocpuet po'derecho. Namä e'ñe pocte' o'ch apchä'yenet epuet po'potantañ ñeñt 'parrocma ame'ñenet. Namä e'ñe pocte o'ch yechätyesan po'potantañ ñeñt 'muenene' o'ch eñoteret ñamet. E'ñe pocte' o'ch etsoteñet ora attöch sherbeñet po 'yompor-ret.

Cotäpñats 19.

Ñamä allohuen acheñenesha' ama't erra tsena acheñer echenet derecho o'ch serrpare'tatanna'tyeset ñeñt 'attet cotäpe'chyenet ñet ñeñt 'cohuen entyenet ñet. Amach e'moñe'taretëye attö yapa yoctën añ derecho. Namä e'ñe pocte' o'ch e'nyenet attöch eñoteret erra'tsentë' cotäpñatser ñeñt 'cohuen entyenet ñet. E'ñe pocte' o'ch agapyenet añ cotäpñatser pueychateña, ñamä e'ñe pocte' o'ch eñotachet po'potantañ ñeñt 'attet' pena añ cotäpñats. Ama't errotënot eñotachet po'potantañ acheñ, ñeñtpa' e'ñe pocte' ama't po'quellcot äma't radiot mä't errotënota. E'ñe pocte' o'ch chäpatyeset ñeñt 'cotäpñats po'poñ anetso'mar.

Cotäpñats 20.

Ñamä allohuen acheñenesha' echenet derecho o'ch apchä'yenet ora allohuen ñeñt 'parrocma ame'ñenet ñerra'm e'ñe cohuen mueche't serrpare'tanna'tyenet añ poctäpñet.

Ñerra'm esesha' ama muenenaye o'ch cotäpe'chet e'ñe parrocmä po'potantañ poctäpñet, ama pocteyaye ñerra'm po'potantañ po'huamencotëtäpa' o 'ch ame 'ñatateñet ñeñt 'ñet poctäpña.

Cotäpñats 21.

Ñamä allohuen acheñenesha' ama't erra'tsena acheñer echenet derecho o'ch cotäpe'chatyeset ñeñl pa'mcha'taretërneshet. Namä allohuen acheñenesha' ama't erra'tsena acheñer echenet derecho o'ch votet añecop ñeñtcha' sherbäts gobiernocop.

Ñamä allohuen acheñenesha' ama't erra'tsena acheñer ñeñt 'muenene o'ch taruasapretan gobierno allohuenet e'ñe attëcma echyenet derecho.

Ñamä erra'tsentë' cotäpñatser ñeñt 'cohuen enten acheñenesha' ñerra'm shonte' acheñ ñeñt'attet muenenet, attetcha' perra po'gobierno. Namä attöch eñochet este' po'ñoch muenen allohuen acheñenesha' eñalletepa'ch elecciones ama t errotënotä; allcha' vota'yenet añecop ñeñt 'e'ñe cohuen entyenet ñet. Namä ñeñtpa' e'ñech a'nahua vota'yenet attöch po'potantaña' amach errotënot po'huamencotëye' votatenaneto ñeñt 'attet muenenet ñet. Namä allohuen acheñenesha' e'ñe pocte' vota'yeset añecop ñeñt 'cohuen entyenet ñet.

Cotāpñats 22.

Allohuen acheñenesha' ama't erra'tsena acheñer echenet derecho o'ch agapueñet seguridad social ñeñt ~atet ñenpuenanet po'gobierno ñerra'm esempo machayotā es pasahuet. Allochñapa' attōch amach tama penca'yenet, e'ñech attēra cohuen orrtatyenet. Ñehua, ama't erra'tsena anetser a'poccatenan pa'cheñeneshar añ derechos ñeñt ~otenet seguridad sociales.

Cotāpñats 23.

Ñamā allohuen acheñenesha' ama't erra'tsena acheñer echenet derecho o'ch taruasa'yeset attōch gana'yeset quelle. Ñamā e'ñe pocte' erra'tsentē' taruas muenenet allcha'ña taruasa'yenet. Namā ñeñt~taruasatenahuet e'ñepa'ch cohuen apa'yesanet allcha' taruasatyesanet. Ñamā amuepa'ch huañapeseto po'taruaset attōch amach pallteneto quelle.

Ñamā allohuen ñeñt~attēcma taruasa yetset allponeshacmuetepa'ch gana'yenet quelle. Arepa'ch eñalle ñeñt ~ama amorrentaretēyaye.

Ñamā allohuen ñeñt ~taruasets atsa'tatarettetepa'ch allpon ñeñt ~pocetsa allochñapa' attōch cohuen yechā'yenet pamo'tseshohuen amach tama penca'yeneto puepallteñotēt. Ñerra'm allpon gana'yenet ama alcanseno attōch yora'yeset ñeñt~allpon pallta'yenet eñalletepa'ch seguridad social ñeñtcha' yenpa'yenahuet.

Ñamā allohuen ama't erra'tsena acheñer echenet derecho o'ch parrocmatet epuet sindicato ñeñtcha' moñenahuet ñeñt ~e'ñe ñocueta all taruasa'yenet.

Cotāpñats 24.

Ñamā allohuen ama't erra'tsena acheñer echyenet derecho o'ch amesa'yenet allpon horas ñamīa allpon yet~ Amach ellapenete'tē arepenete'tē taruasatset. Namā amesyesetepa'ch allponmat ñeñt ~vacación, atsa'tatarettetepa'ch ama't allponmat echenet vacación.

Cotāpñats 25.

Ñamā allohuen ama't erra'tsena acheñer echyenet derecho o'ch echyenet allpon attōch yechā'yenet cohuen arr patsro ama't pamo'tseshohuen attōch yora'yenet puerrar, pa'shtam, pa'paquellet ñamā attōch partatyenet ñamā attōch yenpa'yenanet po'potantañ pamo'tseshachño. Namā ñerra'm palltapesyenet po'taruaset alloch gana'yenet quelle echyenet derecho o'ch ayenparettet. Amapa' ñerra'm atсна'tyenet attōch ama taruaseneto allponmat echyenet derecho o'ch ayenparettet. Amapa' ñerra'm machayota atserpenet, amapa' ñerra'm rretōrrnanesha' amapa' ñerra'm po'nme'ten amapa ñerra'm esempo es huapoya echyenet derecho o'ch ayenparettet.

Ñamā allohuen ñeñt ~achoyoreshai ñamā allohuen cheshaneshachño ñetpa' echyenet derecho o'ch acuamḡšarettyenet ama't ñeñt~ellopanesha' ñamet.

Cotāpñats 26.

Ñamā allohuen ama't erra'tsena acheñer echyenan derecho o'ch estudia'yeset escuela. Namā attōch estudia'yeset escuela amach cobraneto ñeñt ~Primariacop. Allohuen cheshanesha' atet ānaret ñocueta chocma estudienet Primaria, ñeñt ~obligatoria. Namā eñalletepa' escuelas allcha' estudia'yenet ñeñtcha' po'taruas penet ñamā eñalletepa' escuelas allcha' estudia'yenet estudios mas avanzados ama't añecop ñeñt ~atarr tōrretsa ñeñt ~atarr es eñotets.

Ñamā añecop sherben attō yechāteñet cheshanesha' attōchcha' eñotyenet ñeñt ~atarr sherbets arr patsro attōch e'ñech cohuen eñotatyenan po'potantañ acheñenesha'. Allochñapa' attōchcha' amach muena'yeneto o'ch puerratamḡšanet po'potantañ po'derechos attōch muerocñtatenet. Cohuencha' yeñotatanna'tyena ama't pa 'namen acheñeneshay. Cohuencha' ya'huanten po'potantañ ñeñt ~po'poñ cotāpe'chyenet ñet. Namā chocmuepa'ch yamo'ts yepānna'tyena ama't pa'namen anetsochño all yeychā'yena, ama't pa'namen mereñtsorechño ñeñt ~parro ye ñalletyesa, ama't pa'namen yeyompore yepā'yen. Añecop yeychach cheshanesha' cohuen attōch e'ñech cohuen torra'yerret ñamet añecop ñeñt ~cohuen enten Naciones Unidas allochñapa' attōch allohueney e'ñech cohuen mueche't yeychā'yena arr patsro.

Ñeñt ~chesha' ñeñt ~ama po'nena' pamo'mtepa' echenan derecho o'ch mueñanet erra'tsentē', escuela ñeñt ~cohuen enten pamo 'mte.

Cotāpñats 27.

Ñamā allohuen ama't erra'tsena acheñer echyenan derecho o'ch tōrra'yenet ñeñt ~atet~yechā'yenet ñet, ñeñt ~cohuen entyenet ñet. ñamīa e'ñe pocte' o'ch cosha'yeñet po'taruas ñeñt ~cocñenesha' entyenet ñet. Namā ñeñt ~eñotyenet ñeñt~atarr sherbets alloch progresā'yenet científico'marecop, ñeñt ḡa' ñeñtcha' yenpuenahuet alloch ello atarr cohuen yechā'yenet arr patsro.

Ñamā ñerra'm esesha' yechācatene' ñeñt ~atarr sherbets allohuenacop atet ñerra'm ñeñt ~científico'marecop amapa'ñerra'm libro ñeñt ~quellquēnet allohuenacpuet amapa'erra'tsen po'taruas ñeñt~atarr sherbets allohuenacop, ñapa'echenan derecho attōch ganena quelle po'taruasot ñamā echenan derecho attōch coshapreteñet po'taruas, amuepa 'ch aprratamḡšaretḡena po'derecho.

Cotāpñats 28.

Ñamā ora allpon derechos ñeñt ~aquellcaret ārr, allohuen ama't erra'tsena acheñer echenet derecho o'ch e'ñe atet~perret. Ñeñtō'mar añ pocetsa patē'tets anetso orrtatyesetepa' pa'namen cohuen proyectos attōch acheñenesha'pa' entyerret ora allpon po'derechos.

Cotāpñats 29.

Ñamā allohuen ama't erra'tsena acheñer echenan po'deberes po'potantañecop ñeñtāra pamo'tsesha' ñeñt ḡarro yechienet pa'netsro. Ñeñt ~deberespa' ñeñtḡa' atfo e'ñe cohuen yeyenannena. Ñerra'm atet ḡeperra e ne all yamo'tsesheshopa' e'ñech cohuen yeychen attōch yetsothuerr ñeñt ~e'ñe cohuen puesheñā'ttsocpay.

Ama't yechyeneñ shonte' pa'namen derechos ñeñtcha' yorrtatyen, tārraña amach aña yorrtatatsto ñeñt~attō errotūanen yepēñ po'psheñeñ. Tārrō'mar ñeñtḡa' ama apāpahuoyaye ñeñt~atet ōteney ley ñeñt~anaret.~Tārrō'mar ñerra'm errotūanen yepēñ po'psheñeñpa' attōña yeprratamḡeñ ña po'derechos. Tārraña ñerra'm e'ñe cohuen yeyenannena ñamā e'ñe mueche't yeychena, ñeñt ḡa' ñeñt ā pocetsa. Ñeñtḡa' chocmach yorrtaten ñerra'm yechen gobierno democrática all amcha 'tarettapreteñet allohuen acheñenesha'.

Ñamā ama't shonte' pa'namen derechos yechyen ñeñt ~anaret ārr, yapa' amach yorrtatatsto añ derechos añecop ñeñt ~ama pocteye' enteñe Naciones Unidas. Añcha'ña yorrtaten ñeñt ~cohuen enten Naciones Unidas.

Cotāpñats 30.

Ora allpon derechos ñeñt ~aquellcaret ārr, ama't patrḡa derecho amach ahuapore 'tpahuoyaye ama't errotēna.